

этти шеш. W2
зылаантисоо-
кысыкы.
6. Шугдурен!
ель 1989 ар.
ылейи, Женя П
вумз Вывь ар.
ее зельман
нее ваге шуг
«Вывь ар»

КИГОЖТОС №7



кузи бертыкуе
е йауаею на в
ысе, вкытыи т
о, куараос вк
ыи арган ку
ас сменым
ею. Вкытор у
та тожо Мос
е

Ас малтам кырзанъёсы

**На память ко дню учителя!
1992 ар**

Батё Миша, Калига Сергей, Буди Ёрги но Игорь армие кошко.

Ми тйледыз армие келяськомы
Тй милемыз возьманы мынйськоды
Миша шунды жужанэ, Игорь шунды пуксёнэ
Сергеен Ёргиен лэсьтйськонэ.

Ми тйледлы оскыса уломы
Пеймыт уйёсмес гань-гань изёмы
Тй умой служить кароды
Милемыз возьытэ уд уськытэ

Эн вунэтэ вордэм анай-атайдэс
Эн вунэтэ вордйськем гурттэс
Эшшо но эшшо но эн вунэтэ
Огиньын шудэм дышетскем эшьёстэс.

Ми тйледыз дорамы возьмалом
Тй милемыз сюдыны бертоды
Миша шунды жужанысь,
Игорь шунды пуксёнысь
Сергеен Ёргиен лэсьтйськонысь

25/X-78 ар

Игорь армие кошкиз 1978 ар 27 октябре

Вунонтэм 78 ар
Зоро вал, номыр уд кар
Пиосмес армие келямы
Тусъёссэс патретэ келямы.

28 октябрь вал соку
Пыдесозь дэри вал соку
Дядед Микон коже кылиз
Тоня кытчы ке палэнэ кылиз

Первой арзэ со ужаз
Нылпиосты дышетгъяз
Таняен но Романэн
Кыкназы быдэс 1 классын

Елане ветлэммы

Ой кыдёке, туж кыдёке
Кылиз пукем пуконмы
Ой кыдёке, туж кыдёке
Кылизы вордэм пиосмы.

Игорь Елань шуэ вал но
Кытын Елань шуисько вал
Елань кыдёкын вылэм
Мёзмон туж секыт вылэм

Кыдёкын кожай вал Елань
Кык уй ветлымон кыклань
Табере эшшо кыдёке
Кошкиз шунды пуксёнэ.

Ми тйледыз келямы
Асьмемыз возьманы
Туж ке но мёзмимы
Чидатэк амал уз луы.

Игорь май толэзе 1979 аре Кубае кошкиз.

Викторлэн 50 арес тырмоназ Дядиелы

Тани нош асьмеос огазын
Дядяе вордйськем нуналад
Котькудаз одйгаз жытазе
Тазыы чөш пукиськом жок съорад

Жок выл тыр сионэд-юонэд
Ужаса, тыршса шедьтэмед
Казак пи кадь оло капчиен
Уж дорад мынйськод но всяк

Лэсьтылэм юртъеред сандык кадь
Вордылэм нылпиед өрзи кадь.
Кисыри вылад кисыриед
Витьтон уд сёты, сётод сизыымдон

Милемыз бурдъяса дядие
Шуд сйзид но келяд дорысьтыд
Ортчемзэ оло малпаса
Туннэ нош нюромо бамъёсыд

Уйёстэ изытэк малпалляд
Кызыы юртъер лэсьтом шуыса
Уйёстэ изытэк малпалляд
Кызыы нылпи вуттом шуыса.

Баджым тау вордэм дядимы
Милемыз быдэ вуттэмедлы
Шуд но тазалык сйзиськомы
Туннэ 50 арес тырмыкуд

**Июль 1980 ар
Элялы 11 арес но 4-5 толэзь**

Ойдо султы нуныкае, нуныкае
Нош но нунал вордйськиз
Нош но нунал вордйськиз
Нош но ужъёс вордйськизы

Ойдо султы нуныкае / 2 пол
Нош но нунал вордйськиз
Нош но школае мынон
Мынон дырыд вуиз.

Бӧрдйськод, возьмаськиськод,
Быро пичи шудон дыръёсыд
Малы меда тон будйськод?
Тон будэмен мон пересьмисько.

Ортчозы аръёс, будозы аресьёсыд
Мукетъёс сямен ик тон но кошкод
Мукетъёслэсь сямен мон нош
Утчало таӛе пичи вакыттэ.

**Тоняз тодэ вайыса
1982 аре 29 мае гожтйськызы**

Тулкымьяське, тулкымьяське
Енисейлэн вуэз
Солэн мыд-мыдпалаз ярдураз
Красноярск городэз.

Отын улэ удмурт нылаш
Чебер, веськрес мугоро
Чайков политехникум
Дипломен со мынэмын

Удмурт нылашен зуч пиен
Ваче синмаськызы
Улон сюрессэс огиньын
Ортчытын малпазы.
Шулдыр сяськаё шур дурын
Гожтйськон корказы
Отын удмурт нылаш воштйз
Аслэсьтыз нимтулзэ.

Гожтйсь зеч кыл верам бере
Ныллэн но пилэн но
Анай атайёс өм ворме
Потйсь синвуосмес.

Олёна понна бөрдыса кырзанэ

Өркемей шурлэн дурьёсаз,
Вож бадьпуос будыло.
Со бадьпуослэн йылъёсазы
Їуж учыос чырдыло.

Учы чырдэм куараос,
Гурт выльёсты шулдырто
Жоже усем анай-атайёслэсь
Сюлэмъёссэс чигыло.

Їуж-йук шуэ йукна учы
Вож бадьпуэ пуксьыкуз.
Ой-ой шуэ анай-атай,
Вордэм нылпилэсь люкисьыкуз.

Усьтэ али гуль бакчадэс
Гуль адзымтэ мед адзоз.
Эн бөрд али сюлмыкае,
Мурт адзонэз уд адзы.

23 сентябрь 2006 ар
«Играй гармонь» Лутоха арганэн шудыса кырзай

Арганчилэн кырезьчилэн,
Валээ дагаямын вал.
Ми съёры ветлйсь пиослэн,
Пыдазы бигер кут вал.

Ми но нылъёс ог ёзчиос
Бигер кутэн ветлймы.
Кут кутаны усточиос
Тямысо-укмысоен.

Арган шудын тодйсько,
Бассэ шудэме уг лу.
Ортчем пинал даурме
Берыктэме уг луы.

Пыды-кукы кырыж вал но
Сапег-ката өз кылды.
Верантэм кылме вералляй но
Мыным туган өз кылды.

Тырмоз Марья
Тырмоз Марья
Дугды ини зулемысь
Тон сяна но калык трос
Соос но мед зулёзы.

2004 ар. 24-26 июнь
«Воршуд» фестивале ветлй, домброен шудыса кырзай.

Арган басьтй, домбро басьтй,
Мутайлэн кадь вал басьтй.
Мутай кадь ке бай луысал,
Гын колошаен ветлысал.

Бибыль-бибыль бубие,
Каръян сирпу букое.
Дауре ортче кадыре быре,
Куру учыс калъёсын.

Кыткем төри ой валэлэн,
Вуз карылон вакытэз.
Вузэ быремьсы уг бөрдйськы
Дауре ортче куанытэк.

Пароход кошке, пароход кошке
Сое но адзйтэк кылиськом.
Ми но анай-атай нылпи,
Рахат адзйтэк кылиськом.

Пароход келя, пароход келя,
Пароходны курмай калабыз.
Быз да анэй-атэй баласы,
Рахатны курмай калабыз¹³¹.

Машиналэн погылянэз,
Малы тямьсы луымтэ?
Та дуннелэн ырахатэз,
Малы тэгыз луымтэ?

Ми вадьсысь ву эн омыртэ,
Ву жутыса эн сылэ.
Ми кыдёке ой кошкыку,
Бермес учкыса эн бөрдэ.

Шкляева Тая шуэ: «Мария Павловна, трос эн кырза, ниль-вить куплет гынэ кырза».

31/1-07

131 Таиз куплет бигер кылын сётэмын вал.

Юа¹³² возь.

Грыкмас дурысь юа возь былэ
 Лъомпу сяська вақытэ,
 Пинальёс люкаськыса
 Огиньын шулдыръяськылйм.
 Сальяос но Күчосьёс, Починкаос но Вужгуртьёс
 Чебер дйськутмес дйсяса, юа
 Возь былэ васькылймы.
 Агае армиысь гожтэтаз
 Буртчин лента лэзиз вал
 Со лентаен йырсиосме
 Ваё пуныса мынй.
 Починька пиос лентаме
 Таласа басьтыны туртто,
 Йырси пунэтме сэрттыса
 Гажанэ кие сётй.

2017 арын тодам лыктйз, пичи агай лента лэзиз вал шуыса. 22 числое пенси басьяськомы. Соку ик клубе люкаськиськомы, война кучкон нунал. 22 июнь Оже быремъёсты тодэ ваиськомы. Агайлэн лентаез жаль потйз.

20/V-2018

Гажанме ой адзёлы ни,
 Мукетыныз кушласькиз.
 Агайлэн лэзем лентаез
 Киям өз берыктйськы.
 41 арын агайме лек оже нуизы.
 Ожын геройлыко быриз
 Синьпель лентаез но быриз.
 Юа возез гыризы
 Шулдыръяськонъёс быризы.
 Грыкмас Шихостанкаен валче
 Чылкыт вузэ Оче нуэ.
 Оче нуэ Гырыкмас гынэ
 Миёлэн валче чылкыт вузэ Оче нуэ.

20/V-18

Улон даур

Їукна зарни шунды жужа,
Шудо нунал вордйське.
Нунал ортче, шунды пуксе,
Кытын ке шунды жужа.

Нунал бёрсы нунал ортче,
7 нунал ог арня.
Арня бёрсы арня ортче,
30 нунал одйг толэзь.

Толэзь бёрсы толэзь ортче
12 толэзь одйг ар.
Одйг арын нылпи будэ,
Мойы мурт арлы пересьме.

Арёс бёрсы арёс ортчо.
Дас пол дас 100 ар, даур,
Сю ар, даур шер мурт улэ,
Пересьмон даур секут.

Тау вордэм нылпиосылы
Вожен-вожен юрттйсько
Соос пёлысь Роза нылылы,
Ваньмызлэсь секут лыктэ.

95 аресозь ул шуо,
100 аресозь ул шуо.
Тазалыке луысал ке,
100 ар соглаш улыны.

Арлэн 4 пёртэм дырёсыз,
Котькуд дырыз туж шулдыр.
Та шулдыр люгыт дуннелэсь
Їыдыса люкиськод-а?

Пересьлэн жожтйськонэз

Синьёсы адзён дыръя,
Синь сузымонозь учко.
Пыдъёсы нуон дыръя
Пыдъёсы чидатозь мыно.

Синьмы адземысь ке дугдйз,
Китйм валтйсь уз ни лу.
Пыды мынэмысь ке дугдйз,
Нокин но нулдйсь уз лу.

Пересьёслы пе почёт но,
Пиналъёслы пе сюрес.
Пересьёслы почёт быриз
Пиналъёслы сюрес вань.

Пинал пуке кабинаын (грузов.)
Пересь мынэ ку[з]овын
Пиналъёс пуко жок съорын (солдат бертон дыръя)
Пересь пуке ос дорын.

Кин тодэ ини азылань
Оло пунылы кылёд.

Тае азьло грузовой машинаен ветлыку гожтй вал.

Вордэм нэнэ

Кикы пузаса өз кельты,
Учы пукыса оз потты.
Нэнэен атай вордйзы,
Кикы сяин улыны кылимы.

Выль коркаисьтымы поттйзы
Пыдйыламы кельтйзы.
Куать нылпиё анай-атай
Мурт дорын улыны кылим.

Секыт кайгулы чидатэк
Нэнэ улонысь кошкиз.
Куать кузя вордэм нылпизэ
Тэльмырыны со кельтйз.

Агайлы 22 арес атаен
Эль вылэ ужаны кошкизы.
Апайлы 18 арес
Вын сузэръёссэ утыны кылиз.

Нянь пыжыны пызьмы өвёл
Апай пот көмеч пыжылйз
Атаен агай пызь вайылйзы
Шыдэ пызь шуккон понна.
(1934 ар 10 августэ Орина кулйз)

Атай бертыса ыжгидмес
Корка лэсьтыса кельтйз.
Отын 4 кузя улймы
Анай, пичи агай, Лукерья но мон.

Ож заводэ кошкиз агай
Атай кышно вылэ пыриз.
Кык пичиесьсэ нылъёссэ
Дораз улыны ваиз. (1935 арын)

Апаен пичи агай
Кыкназы улыны кылизы (1935 ар 7 ноябрь)
Апай Тйгырменэ бызиз, 15 аресъем
Пичи агай огназ улыны
Ассэ сюдыны кылиз.

Сюранай

Сюранай нылпи вордэм,
Нылпиосыз улымтэе
Ныллы пилы вожъяськем
Одйг ныл воргос басьтэм.

Воргоронэз шузимем,
Улыны секыт луэм.
Воргоронзэ уляса,
Воргоронтэк кельгйськем.

Гуртын улон тодйськом,
Юртъер куашка воргоронтэк.
Атай пыдйыл воргорон,
Татчы кышно вылэ пырем.

Илья агай нуиз милемыз.
Заччалан кёлоно луимы
Нуналаз мыныса өм вуэ
Чуказеяз вуимы Куэ[ё]бае.

Анай луонмес тон шуылым,
Кин бон мон? шуылыз.
Мон азьло анай шуи, дыши,
Лукерья берло дышиз.

Ёросъёс косо шуыны анай,
Муртэ секыт анай шуыны.
Отяз дышим анайлы
Асьмелэн анаймы кадь потыз.

Милемыз сюдйз, дйсьяз,
Аслаз нылъёсыз кадь кариз.
Улонысь со вазь кошкиз
Быдэ вуттытэк милемыз.

Милемыз утем, бюджетэм понназ,
 Туж бадзым тау солы.
 Буждэтэм понназ милемыз
 Чик зеч карыса өм вуэ аслыз.

Анна апай анайлэн вурдосэз,
 Милемлы кыкетй сюранай луиз.
 Огиньын кема өм улэлэ,
 Вурдйськем пала бертймы.

Школа кырзан

Гуртлэн шораз мон сылйсько
 Котькин мон дортй ортче
 Котырам вож пушйись писпуос
 Отын шудо нылпиос.

Мынам пу борддоръёс но выж вөлдэт
 Кыкетй коркады вал
 Көня синтэм калык татысь
 Синмо луыса потйз.

Пересь-а мон пинал на-а?
 Мыным 50 ар тымиз
 Жыны даур весь ярай вал,
 Таре люкиськон дыр вуиз.

Сылйсько мон вож сад пушкын
 Тыршись киос мертйзы.

Агайлы сйзъыса 28/III-88

Адзиськымон интые борддоре
Оши бадзым портретгэ.
Чебересь сзезь синъёсыныд тон
Адзиськод котькинэ котъмае тон.

Анай-атаймы кемалась өвөл
Кышноед, нылпиед өвөл.
Анай, атай, нылпидэ воштыса
Ульськом буре вайыса.

Кыче шулдыр луэм Ож заводэд
Öй тодмасал бертысал ке
Пу коркаосыд, юртэз ерез,
Вошто бадзым из коркаос.

Туж бадзым ужам мотозаводэд
Басьтэмын быдэс кварталэз.
Тонэ адзёнэн ялан оскыса
Кошкисько вöзтйд мон вамышгъяса.

Быремедлы 42 ар тырмиз
Вордйськемедлы 70
Ми луылим песянай чужанай
Тон луысал песятай но чужатай.

Кыҗе ческыт гужем куазен
 Кисьмам узыен-боры
 Эшшо ческыт, эшшо ческыт
 Песокен ке пöзътйськод.

Кыҗе чебер вож возь вылын
 Турлы-турлы сяськаос.
 Эшшо чебересь, йöноесь
 Милям вордэм нылпиос.
 Кыҗе секыт вал дышыны
 Мурт семьяын улыны.
 Эшшо секыт, эшшо секыт
 Мурт нылпи борды дышон.

Милям мылкыд

Ойдолэ эшгёс кырзалом
 Ваньмы огиньын дыръя
 Ваньмы огиньын дыръя
 Мылкыдмы капчи дыръя

Мылмы кыдмы вань дыръя но
 Пыдгёсмы мынон дыръя
 Пинал эшгёс чортон дыръя
 Ветлом али концертэн

Мылмы кыдмы öз ке лу ни
 Пыдгёсмы öз ке мынэ ни
 Пинал эшгёс чортыса но
 Мынэммы уз лу ни

Кудгёсызлэн вожзы потэ
 Пересьёс ветло шуыса.
 Ми асьмеос пересь но
 Сюлэмгёсмы пиналэсь.

Алёналы сйзбыса

Ми дорысь кокшем бераз чуказеяз. 5 арес.

Пиелэн нылыз ураметй лыктэ
Малы ке со кышкаса вамыштэ
Малы сокем кышкаськод нылы?
Ми уродэсь калыкъёс өвёл нылы.

Нунал ке вордйське возьмасько тонэ
Пинал дыр яратонэз кадъ
Сюлмы укыр яратэ тонэ
Мар ке ческыт сионэз кадъ.

Бертыса корка пыриськод ке
Корка пуш ик шулдыр луэ.
Берен потыса кошкиськод ке,
Кулэм-ышем бервыл кадъ кыле.

5/VII-87

Нылпиосылы

Ой бюджетъяй вал, бюджетъяй вал
Веськрес гынэ бадяр кадь
Будыса-будыса люкиськиды
Тылобурдо пи сяин.

Тылобурдо лобзылэ но
Ваньмыз огине пуксе
Асьмеос бон таберезэ
Кү огине луом на?

Пичи дыръяды будйды
Анай ноно шуыса
Мон тйледыз лйятылй
Ал вылам нонтылыса.

Мон таберезэ бөрдйсько
Кызы улом шуыса
Тй бон шедьтоды-а меда?
Монэ лйятыны зеч кылъёс.

Монэ лйятыны зеч кылъёс
Может тй шедьтоды но
Буйгалоз на меда мынам?
Та жожомем сюзэмы?

Пурон кырзэмы 3-5/II-91 г.

Кияса ёросысь
 Вьль Тйгырмен калыкъёс
 Ми лыктймы тй доры
 Шудон-серектон понна.

Кырзалом но вералом
 Чапкомы но эктомы
 Огиньын шулдыръяськом
 Ог-огмес гажаломы.

Улмо бамъем, льоль ымдуръем
 Чебер пиос но нылъёс
 Тодматйськелэ ваче
 Сюан лэсьтоме валче.

Войнае бырем агайёс понна

Адзйськымон интые, борддоре
 Оши бадзым туспуктэмдэс
 Чебересь, сзезесь синъёсыныды
 Учкиськоды котькинэ, котьмае.

Анай-атаймы кемалась өвёл
 Кышноды, нылпиды өвёл
 Анай-атай нылпидэс воштыса
 Улйськом буре вайыса.

Кычөөсь нылпи ми будэтймы
 Кычөөсь юртъер ми лэсьтймы
 Бертысалды ке тй адзйсалды
 Адзйсалды ке тй паймысалды

50 ар тырме война дугдэмлы
 Тй всяк пинал кылиды
 Ми луимы песянай, чужанай
 Тй луысалды песятай, чужатай.